

II - ARABAKO LURRALDE HISTORIKOAREN TOKI ADMINISTRAZIOA

IRURAIZ-GAUNAKO UDALA

Iruraiz-Gauna udalerriko kontzejuentzako dirulaguntzen deialdia eta oinarriak, areketako sastrakak kentzeko eta landa bideak garbitzeko gastuak ordaintzeko

Udalbatzak, 2025eko urriaren 3ko osoko bilkuran, erabaki zuen areketako sastrakak kentzeko eta landa bideak garbitzeko gastuak ordaintzeko Iruraiz-Gaunako udalerriko kontzejuentzako dirulaguntzen deialdia eta oinarriak onestea, eta horien testu osoa argitaratzen da, guztiek jakin dezaten.

2025eko azaroaren 15era arteko epea ematen da kontzeju interesdunek dirulaguntzak lortzeko eskaerak aurkez ditzaten, beharrezko agiri guztiekin batera.

Azilu, 2025eko urriaren 7a

Alkatea

IRATXE DEL BARCO MURUA

AREKETAKO SASTRAKAK KENTZEKO ETA LANDA BIDEAK GARBITZEKO GASTUAK ORDAINTZEKO IRURAIZ-GAUNAKO UDALERRIKO KONTZEJUENTZAKO DIRULAGUNTZEN OINARRIAK

Areketako sastrakak kentzeko eta landa bideak garbitzeko gastuak ordaintzeko Iruraiz-Gauna udalerriko kontzejuentzako 2025eko dirulaguntzen deialdia.

1. oinarria. Deialdiaren xedea

Areketako sastrakak kentzeko eta landa bideak garbitzeko Iruraiz-Gauna udalerriko kontzejuek 2025. urtean ordaindutako gastuak finantzatzen laguntzea da deialdiaren helburua.

2. oinarria. Entitate onuradunak

Dirulaguntza eskatu ahal izango dute Iruraiz-Gauna udalerriko kontzejuek, baldin eta udalarekiko eta gainerako administrazio publikoekiko betebeharrak guztiak egunean badituzte.

3. oinarria. Dirulaguntzak eskuratzeko baldintzak

Diruz lagundu ahal izango dira udalerriko administrazio batzarrek 2025ean areketako sastrakak kentzeko eta landa bideak garbitzeko ordaindutako gastuak.

Landa bide gisa behar bezala erregistratuta dauden edota dagokion kontzejuko ondasunen inbentarioan dauden bideen egokitzapena eta garbiketa lagundu ahal izango dira diruz.

Deialdi honen babespean ematen diren dirulaguntzak 2025eko ekitaldirako aurrekontu orokorreko aplikazioetako aurrekontu esleipenen kontura ordainduko dira.

AURREKONTU APLIKAZIOA	AURREKONTU PARTIDAREN DESKRIBAPENA	KREDITU ERABILGARRIA
1721.227.000	AREKETAKO SASTRAKAK KENTZEKO KANPAINA	9.000,00

Administrazio batzar eskatzaileek udalarekiko eta gainerako administrazioekiko betebeharrak guztiak egunean izan beharko dituzte.

Honako hauek ez dira diruz lagunduko:

— Erregistratuta ez dauden edota kontzejuaren inbentarioan jasotzen ez dauden landa bideei dagozkien gastuak.

4. oinarria. Dirulaguntzen zenbatekoa

Areketako belar sastrakak kentzearen eta landa bideak garbitzearen kostua lagunduko da diruz, kontzeju bakoitzak dituen bide metroen proportzioan, xedapen honen arabera:

AB	INBENTARIATUTAKO METRO LINEALAK	METRO %	PARTIDAREN BANAKETA (9.000,00. €)
Alaitza	6.689	5,86	527,40 €
Arrieta	8.847	7,75	697,50 €
Azilu	8.997	7,88	709,20 €
Erentxun	15.910	13,93	1.253,70 €
Ezkerekotxa	14.551	12,74	1.146,60 €
Gauna	14.089	12,34	1.110,60 €
Gazeo	7.369	6,45	580,50 €
Gereñu	9.786	8,57	771,30 €
Jauregi	5.512	4,51	405,90 €
Langarika	15.051	13,18	1.186,20 €
Trokoniz	7.747	6,78	610,20 €
GUZTIRA	114.188	100,00	8.999,10 €

Zenbateko horiek, bakarka edo beste laguntza batzuekin batera, ezingo dira izan eskaera egin duen administrazio batzarrek bere gain hartutako zenbatekoak baino handiagoak; alegia, inola ere ezingo da gainfinantzaketarik izan.

Kreditu soberakina badago administrazio batzar guztiek laguntza eskatu ez dutelako edo legokiekeen gehieneko zenbatekora iristen ez delako, kreditu soberakinak proportzioan handituko du zenbateko handiagoa justifikatu duten administrazio batzarren laguntza.

5. oinarria. Eskaerak, agiriak eta kobratzea

Emandako dirulaguntza osoa jasotzeko, areketako sastrakak kentzeko eta landa bideak garbitzeko lanak 2025eko ekitaldi ekonomikoan egin beharko dira.

Eskatzaileek dokumentazio hau aurkeztu behar dute udal bulegoetan:

1. Udaletxean eskuratu daitekeen deialdi honetarako inprimaki eskaera, administrazio batzarreko lehendakariak sinatua.

2. Beste erakunde edo organismo batzuetan izapidetutako dirulaguntza eskaerak jasotzen dituen zerrenda zehatza eta jasotako dirulaguntzen frogagiriak.

3. Eskatutako dirulaguntzaren xede diren fakturak.

4. Administrazio batzarreko lehendakariak sinatutako erantzukizunpeko adierazpena, laguntza lerro hauen kargura jasotako zenbatekoak administrazio batzarraren gainfinantzaketa ez dakarrela adierazten duena.

Egoki irizten bazaio, adierazitako dokumentazioaz gainera, dirulaguntza emateko beharrezkotzat jotzen den zernahi dokumentu, frogagiri edo faktura eskatu ahal izango da.

6. oinarria. Agiriak aurkeztea

Dirulaguntzaren eskaera eta dokumentazioa egoitza elektronikoaren bidez aurkeztu ahal izango dira. Dirulaguntza eskaerak eta frogagiriak aurkezteko epea 2025eko azaroaren 15ean amaituko da herri guztientzat.

Ezarritako epea igarota agiriak aurkeztu ez dituzten kontzejuek deialdi honen arabera emandako dirulaguntza galduko dute.

Salbuespenez, behar bezala justifikatutako arrazoiengatik (data ahaztea ez da onartuko justifikatutako arrazoitzat), eta betiere udalak esanbidezko ebazpena ematen badu, epe hori bi hilabetez luzatu ahal izango da gehienez ere.

7. oinarria. Onuradunen betebeharrak

Oinarri hauetan araututako dirulaguntzak jasotzen dituzten kontzejuek honako betebeharrak hauek bete beharko dituzte betiere:

— Emandako dirulaguntza onartzea. Dirulaguntza ematen zaiola jakinarazten zaionetik hamar egun igaro baino lehen onuradunak berariaz eta idatziz uko egiten ez badio dirulaguntzari, dirulaguntza onartzen duela esan nahiko du.

— Dirulaguntza jasotzeko bete beharreko betekizunak eta baldintzak betetzea.

— Udalaren egiaztapen eta finantza kontrola onartzea.

— Iruraiz-Gaunako Udalak, Herri Kontuen Euskal Epaitegiak edo beste erakunde eskudunen batek eskatutako argibide oro ematea.

— Dirulaguntzen azaroaren 17ko 38/2003 Lege Orokorrek eta dirulaguntzen udal ordenantzak ezarritako betebeharrak.

Dirulaguntzaren eskaera aurkezte hutsak berekin dakar oinarri hauek ezagutzea eta onartzea.

8. oinarria. Eskaerak aztertu eta ebaztea eta dirulaguntzak ordaintzea

Idazkaritza-kontuhartzailletza izango da instrukzio organoa. Organo horrek ofizioz egingo ditu datuak zehazteko, ezagutzeko eta egiaztatzeko beharrezko jarduera guztiak, eta horiek baliatuz egingo du ebazpen proposamena.

Iruraiz-Gaunako udalbatzak du dirulaguntzak ebazteko eskumena, dagozkion frogagiriak aurkeztu eta gero. Horiek eginda, onartutako dirulaguntza osoa ordainduko da.

Eskaerak gehienez ere hiru hilabeteko epean ebatziko dira, frogagiriak aurkezten diren egunetik kontatzen hasita.

Epe hori amaitu eta esanbidezko ebazpenik eman ez bada, eskaera ezetsi egin dela esan nahiko du. Ebazpenak amaiera emango dio administrazio bideari, eta bertan adieraziko dira haren aurka jar daitezkeen errekursoak. Ebazpena Administrazio Publikoen Administrazio Prozedura Erkidearen urriaren 1eko 39/2015 Legeak 41. eta 43. artikuluetan ezarritakoaren arabera jakinaraziko da.

9. oinarria. Ordainketa aurreratua eta konturako ordainketak

Administrazio batzarrak egiaztatuko balu, dagozkion kontabilitate dokumentuak aurkeztuta, fakturaren bat ezin duela ordaindu, udalak beharrezko dirua sar lezake haren kontuan; administrazio batzarrak hamar egun izango lituzke, diru transferentzia egiten zaionetik aurrera, ordainagiria aurkezteko.

10. oinarria. Beste dirulaguntza edo laguntza batzuekiko bateragarritasuna

Deialdi honen babesean emandako dirulaguntzak bateragarriak dira beste erakunde publiko edo pribatu batzuek helburu berarekin emandakoekin, baldin eta dirulaguntzetan jasotakoa gastua baino gehiago ez bada. Jasotakoa gastua baino gehiago bada, murriztu egingo da dirulaguntza, gastua eta laguntza parekatu arte.

Iruraiz-Gaunako Udala ez den erakunderen baten dirulaguntza jaso dutenek adierazi beharko dute zein erakundek eman dien dirulaguntza eta zein izan den haren zenbatekoa.

11. oinarria. Dirua itzultzeko prozedura

Emandako dirulaguntza itzultzeko prozedura Iruraiz-Gaunako Udalaren Dirulaguntzen Ordenantzan eta Dirulaguntzen azaroaren 17ko 38/2003 Lege Orokorrak 37. artikuluan xedatutakoaren arabera izango da.

12. oinarria. Dirulaguntza galtzea

Oinarri hauetan jasotako betebeharrak eta zehaztapenak betetzen ez badira, dirulaguntza errebokatu ahal izango da.

13. oinarria. Interpretazioa

Oinarri hauek interpretatzean zalantzaren bat sortzen bada, Iruraiz-Gaunako Udalak ebaziko du.

Hauek dira aplikatu beharreko oinarrizko arauak: dirulaguntzen udal ordenantza, Dirulaguntzen azaroaren 17ko 38/2003 Lege Orokorra eta uztailaren 21eko 887/2006 Errege Dekretua, zeinak onesten baitu Dirulaguntzen azaroaren 17ko 38/2003 Lege Orokorraren arautegia.

14. oinarria. Argitaratzea

Bat etorritik Dirulaguntzen azaroaren 17ko 38/2003 Lege Orokorrean eta dirulaguntzen udal ordenantzak 4.4 artikuluan xedatutakoarekin, deialdi hau Dirulaguntzen Datu Base Nazionalean argitaratuko da, baita Iruraiz-Gaunako udaletxeko iragarki taulan, ALHAOn eta udalaren web orrian ere, eta udalerriko kontzejuei jakinaraziko zaie.

15. oinarria. Errekurtsoak

Deialdi honen eta deialdi honetatik sortutako egintzen aurka administrazioarekiko auzi errekurtsua jarri ahal izango da zuzenean Gasteizko administrazioarekiko auzietarako epaitegietan, Administrazio Publikoen Administrazio Prozedura Erkideari buruzko urriaren 1eko 39/2015 Legeak ezarritako epean eta moduan.